



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

დათვის კენკრა



დათვის კენკრა

დათვის კენკრა, (Arctostaphylos), მცენარეთა გვარი მანანასებრთა ოჯახისა, პატარა, მინაზე გართხმული ბუჩქია.

50-ზე მეტი სახეობა გავრცელებულია ჩრდ. ნახევარსფეროს ზომიერ და არქტიკულ ზონაში, ძირითადად ჩრდ. ამერიკაში. საქართველოში გვხვდება მხოლოდ ერთი სახეობა – კ ა ვ კ ა ს ი უ რ ი დ. კ. (A.caucasica), რ-იც ასევე მინაზე გართხმული ბუჩქია. ღეროები მუქი ქერქით აქვს დაფარული; ფოთლები

ტყავისებრია, ზედა მხარე მუქია, ქვედა – მკრთალი. ვარდისფერი ყვავილები შეკრებილია კენწრულ, თავდახრილ მტევნებად, ნაყოფი წითელი კენკრაა.

იზრდება დას. საქართვე. ფიჭვნარებში, სუბალპ. და ალპ. სარტყლის ღორღიან ადგილებზე. ყვავილობს მაის-ივლისში, ნაყოფი მწიფდება ივლ.-აგვისტოში. ფოთოლი შეიცავს გლიკოზიდ არბუთინს, მთრიმლავ და საღებავ ნივთიერებებს.

გამხმარი ფოთლის ნახარშს ხმარობენ მედიცინაში.

მ. გურგენიძე
